



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԱՐՄԱՎԻՐԻ ՄԱՐԶՊԵՏ  
ՈՐՈՇՈՒՄ

<<17>> *Արմավիր* 2021թ.

N ՄՈ/149 - 2021

ք. Արմավիր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԻ 2014 ԹՎԱԿԱՆԻ ՄԱՐՏԻ 13-Ի  
N57-Ա ՈՐՈՇՈՒՄԸ ՆՈՐ ԽՄԲԱԳՐՈՒԹՅԱՄԲ ՇԱՐԱԴՐԵԼՈՒ ՄԱՍԻՆ

Ղեկավարվելով <<Նորմատիվ իրավական ակտերի մասին>> Հայաստանի Հանրապետության օրենքի 34-րդ հոդվածի 4-րդ մասով, հիմք ընդունելով Հայաստանի Հանրապետության կառավարության 2020 թվականի նոյեմբերի 26-ի N 1880-Լ որոշման 1-ին և 2-րդ կետերը և վարչապետի աշխատակազմի քաղաքացիական ծառայության գրասենյակի 2021 թվականի մայիսի 7-ի N 02/45.1/14974-2021 գրությունը.

որոշում եմ՝

1. Հայաստանի Հանրապետության Արմավիրի մարզպետի 2014 թվականի մարտի 13-ի <<Հայաստանի Հանրապետության Արմավիրի մարզպետարանի զորահավաքային նախապատրաստության բաժնի կանոնադրությունը հաստատելու մասին>> N 57-Ա որոշման հավելվածը շարադրել նոր խմբագրությամբ՝ համաձայն հավելվածի:
2. Սույն որոշումն ուժի մեջ է մտնում ընդունման պահից:

ՄԱՐԶՊԵՏ՝

Հ. ՄԱԹԵՎՈՍՅԱՆ



Հավելված

Հայաստան Հանրապետության Արմավիրի մարզպետի

2021 թվականի մայիսի 17-ի

N ՄՈ/ 149 - 2021 որոշման

<<Հավելված

Հայաստան Հանրապետության Արմավիրի մարզպետի

2014 թվականի մարտի 13-ի

N 57-Ա որոշման

## Կ Ա Ն Ո Ն Ա Դ Ր Ո Ւ Թ Յ Ո Ւ Ն

### ՀԱՅԱՍՏԱՆ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԱՐԱՆԻ

### ԶՈՐԱՀԱՎԱՔԱՅԻՆ ՆԱԽԱՊԱՏՐԱՍՏՈՒԹՅԱՆ ԲԱԺԻՆ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությամբ կարգավորվում են Հայաստանի Հանրապետության Արմավիրի մարզպետարանի (այսուհետ՝ Մարզպետարան) զորահավաքային նախապատրաստության բաժնի (այսուհետ՝ Բաժին) խնդիրների, գործունեության, ղեկավարման և ենթակայության, իրավունքների և պարտականությունների հետ կապված հարաբերությունները:

2. Բաժինն ստեղծվում է տարածքային կառավարման մարմնում՝ Մարզպետարանում:

3. Բաժնի կառուցվածքը և կազմը որոշվում է՝ հաշվի առնելով խաղաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում Մարզպետարանին վերապահված գործառույթների բնույթից և ծավալից: Մարզպետարանում Բաժինը գործում է առանձին կառուցվածքային ստորաբաժանման տեսքով:

#### II. ԶՈՐԱՀԱՎԱՔԱՅԻՆ ՄԱՐՄԻՆՆԵՐԻ ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

4. Բաժնի գործունեությունն ուղղված է ապահովելու խաղաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում Մարզպետարանին վերապահված

լիազորությունների իրագործման և համապատասխան կազմակերպությունների պարտականությունների արդյունավետ կատարումը:

5. Բաժնի խնդիրներն են՝

1) Մարզպետարանում՝ զորահավաքային նախապատրաստության ապահովման կազմակերպումը.

2) զորահավաքային պլանների համաձայն՝ զորահավաքի ժամանակ զինված ուժերի և այլ զորքերի համալրումն ու նյութատեխնիկական ապահովման կազմակերպումը.

3) Մարզպետարանի գործունեությունը ռազմական դրության աշխատանքային ռեժիմի փոխադրմանն օժանդակումը:

6. Ինադաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում, Բաժնի խնդիրներից բխող գործառույթների շրջանակում՝

1) Մարզպետարանի Բաժինն իրականացնում է՝

ա. տարածքային կառավարման մակարդակում պաշտպանության ոլորտում Հայաստանի Հանրապետության կառավարության քաղաքականության իրագործման գործընթացում մարմնի գործունեությանն աջակցությունը,

բ. Մարզպետարանի գործունեությունը ռազմական դրության աշխատանքային ռեժիմի փոխադրման, զորահավաքային և քաղաքացիական պաշտպանության պլանների մշակման աշխատանքների մեթոդական, տեղեկատվական և կազմակերպական աջակցությունը և մասնակցությունն այդ պլանների իրագործմանը,

գ. զորահավաքային նախապատրաստության շրջանակներում կազմակերպվող ուսումնավարժական հավաքներին և պարապմունքներին Մարզպետարանի մասնակցության նախապատրաստության ապահովումը,

դ. Մարզպետարանի կողմից պաշտպանության նպատակով մարզի վարչական տարածքի և հաղորդակցության ուղիների նախապատրաստման միջոցառումների կատարման ու զինված ուժերի զորահավաքային ծավալմանն աջակցության ապահովման գործընթացին մասնակցությունը,

ե. Մարզպետարանի կողմից մարզի վարչական տարածքի օպերատիվ սարքավորմանը մասնակցության ու դրա իրագործմանն օժանդակման գործընթացին աջակցությունը,

զ. Մարզպետարանում աշխատող պահեստազորայինների ամրագրման աշխատանքների ապահովումը, նրանց զինվորական հաշվառման, պահեստազորային պատրաստության միջոցառումներին, պարտադիր զինվորական ծառայության և զորահավաքային զորակոչերին ներգրավման ուղղությամբ անհրաժեշտ աշխատանքները զինվորական հաշվառում իրականացնող մարմինների հետ,

է. «Պաշտպանության մասին», «Ռազմական դրության իրավական ռեժիմի մասին» և «Քաղաքացիական պաշտպանության մասին» Հայաստանի Հանրապետության օրենքներով, դրանցից բխող նորմատիվ իրավական ակտերով Մարզպետարանի համար սահմանված այլ միջոցառումների իրականացման ապահովումը:

### **III. ՀՈՐԱՀԱՎԱՔԱՅԻՆ ՄԱՐՄՆԻ ԳՈՐԾՈՒՆԵՈՒԹՅԱՆ ԿԱՐԳԸ**

7. Բաժինն իր գործունեության ընթացքում ղեկավարվում է Սահմանադրությամբ, օրենքներով և նորմատիվ իրավական այլ ակտերով և Հայաստանի Հանրապետության Արմավիրի մարզպետարանի գործունեությունը ռազմական դրության աշխատանքային ռեժիմների փոխադրման ներքին պլանով:

8. Բաժինն իր գործունեությունն իրականացնում է իր կանոնադրության և Մարզպետարանում պաշտոն զբաղեցնող անձանց պաշտոնների անձնագրերի համաձայն:

9. Մարզպետարանն ապահովվում է Բաժնի գործունեության համար անհրաժեշտ աշխատանքային պայմաններով, պետական և ծառայողական գաղտնիքին առնչվելու թույլտվության համապատասխան ձևերով:

10. Բաժնի պետի բացակայության դեպքում նրան փոխարինում է Մարզպետարանի գլխավոր քարտուղարի հրամանով և Բաժնի պետի պաշտոնի անձնագրով նախատեսված փոխարինող պաշտոնատար անձը:

### **IV. ՀՈՐԱՀԱՎԱՔԱՅԻՆ ՄԱՐՄԻՆՆԵՐԻ ԵՆԹԱԿԱՅՈՒԹՅՈՒՆԸ**

11. Բաժինը ղեկավարում է զորահավաքային մարմնի ղեկավարը՝ Բաժնի պետը:

12. Մարզպետարանի կազմակերպատիրավական ձևին համապատասխան՝ Բաժինը գործում է Բաժնի պետի և Հայաստանի Հանրապետության Արմավիրի մարզպետի ենթակայությամբ:

13. Մարզպետարանի կազմակերպատիրավական ձևին համապատասխան՝ Բաժնի պետը հաշվետու է Հայաստանի Հանրապետության Արմավիրի մարզպետին (այսուհետ՝ Մարզպետ):

### **V. ՀՈՐԱՀԱՎԱՔԱՅԻՆ ՄԱՐՄԻՆՆԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

14. Բաժնի իրավունքներն են՝

1) Մարզպետարանին վերապահված խնդիրների և գործառույթների իրականացման առնչությամբ կազմակերպել քննարկումներ, հրավիրել խորհրդակցություններ, ըստ անհրաժեշտության դրանց մասնակից դարձնելով համապատասխան մարմնի (կազմակերպության) պաշտոնատար անձանց, մասնագետների և փորձագետների, աշխատանքների արդյունքներից ելնելով՝ վերադաս մարմնի (կազմակերպության) ղեկավարին ներկայացնել առաջարկություններ:

2) Մարզպետի համաձայնությամբ հանդես գալ միջգերատեսչական կամ փոխգործակցային մակարդակում՝ որպես մարմնի (կազմակերպության) ներկայացուցիչ:

3) առաջարկություններ ներկայացնել զորահավաքային նախապատրաստության և զորահավաքի աշխատանքների կատարելագործման վերաբերյալ:

4) խաղաղ և ռազմական դրության ժամանակ օրենքով սահմանված կարգով վերահսկել Մարզպետարանին ենթակա մարմինների, ստորաբաժանումների զորահավաքային նախապատրաստության, քաղաքացիական պաշտպանության, ինչպես նաև համակարգման ոլորտում գտնվող՝ ռազմական դրության աշխատանքային ռեժիմի պայմաններում զորահավաքային առաջադրանք կատարող կազմակերպությունների՝ զորահավաքային պատվերների կատարման պայմանագրերով նախատեսված զորահավաքային միջոցառումների կատարման աշխատանքները:

5) իրենց իրավասությունների սահմաններում համակարգել զորահավաքային նախապատրաստության և զորահավաքի հետ կապված միջոցառումները:

15. Բաժնի պարտականություններն են՝ սույն կանոնադրության 6-րդ կետի 2-րդ ենթակետով սահմանված խնդիրների և դրանցից բխող գործառույթների իրականացումը:

16. Բաժնի պետը պատասխանատու է Մարզպետարանի առջև դրված խնդիրների և դրանցից բխող գործառույթների իրականացման համար: >>:

ԳԼԽԱՎՈՐ ՔԱՐՏՈՒՂԱՐ՝

Ա.ՀՈՎՀԱՆՆԻՍՅԱՆ



17.05.2021

VERIFIED OCSP 17.05.2021 16:40:42 GMT+4

Подпись: HOVHANNISYAN ARAM 3812640023